

Pagina Rumantscha

Objekttyp: **Group**

Zeitschrift: **Bündner Schulblatt = Bollettino scolastico grigione = Fegl
scolastic grischun**

Band (Jahr): **69 (2007-2008)**

Heft 2: **Gestalten und Werken**

PDF erstellt am: **22.05.2024**

Nutzungsbedingungen

Die ETH-Bibliothek ist Anbieterin der digitalisierten Zeitschriften. Sie besitzt keine Urheberrechte an den Inhalten der Zeitschriften. Die Rechte liegen in der Regel bei den Herausgebern.

Die auf der Plattform e-periodica veröffentlichten Dokumente stehen für nicht-kommerzielle Zwecke in Lehre und Forschung sowie für die private Nutzung frei zur Verfügung. Einzelne Dateien oder Ausdrucke aus diesem Angebot können zusammen mit diesen Nutzungsbedingungen und den korrekten Herkunftsbezeichnungen weitergegeben werden.

Das Veröffentlichen von Bildern in Print- und Online-Publikationen ist nur mit vorheriger Genehmigung der Rechteinhaber erlaubt. Die systematische Speicherung von Teilen des elektronischen Angebots auf anderen Servern bedarf ebenfalls des schriftlichen Einverständnisses der Rechteinhaber.

Haftungsausschluss

Alle Angaben erfolgen ohne Gewähr für Vollständigkeit oder Richtigkeit. Es wird keine Haftung übernommen für Schäden durch die Verwendung von Informationen aus diesem Online-Angebot oder durch das Fehlen von Informationen. Dies gilt auch für Inhalte Dritter, die über dieses Angebot zugänglich sind.



Proximamein elegia la Surselva per l'emprema gada in parlament ed ina suprastanza regiunala. La suprastanza funcziunescha naven digl 1. da schaner 2008 el sistem departamental. Alla scola / formaziun e cultura ha ins dau la duida impurtonza cun crear in departament «scola/formaziun e cultura». Sin proposta dalla «formaziun-bildung-regiun-surselva» (FBRS mira scaffa dasperas) candideschel jeu per la suprastanza dalla Regiun Surselva. Igl ei evident ed era l'intenziun dalla FBRS ch'jeu aspire-schel da surprender il departament «scola/formaziun e cultura».

La scola/formaziun e cultura ein facturs existenzials per la qualitat da viver en nossa

regiun, nossas vischnauncas e nos vischinadis. La FBRS ha in volum annual da pagas da 12 milliuns francs. La digren da scolars sforza nus denton da tschercar soluziuns adequatas per dar damogn alla nova situaziun. Adattaziuns ein indispensablas. Nus stuein persequitar ina politica d'ina vart regiunala! (Sche scolars cun reputaziun naziunala sco la Scola da tgira a Glion vegnan serradas sa enzatgei buca constar!) Da l'autra vart stuein nus era far politica da formaziun e cultura. Quei pretenda per exempel che las scolars professiunals e medias a Glion vegnien fusiunadas e menadas dalla Regiun Surselva! Quei pretenda exnum che nus vegnien da mantener ed augmentar la qualitat da nossas scolars! Per cu il num da nossas scolars ei exclusivs gartegia ei d'importar scolars! Quei ei denton mo pusseivel cun intensivar il marketing anoraviars!

Denton dat era la politica centralistica dil cantun da patertgar! Cul niev model da subvenziunar la scola populara spiarda la periferia (e la scola romontscha) mintg'onn milliuns subvenziuns dil cantun! Oravontut la scola romontscha e las scolars pintgas vegnan sut las rodas sch'ei vegn buca fatg frunt a las tendenzas absurdas da spargnar

per tut prezz. La scola ella periferia (ed oravontut la scola romontscha) funcziunescha auter che quella da Cuera e la scola tudestga e sto perquei haver autras condiziuns! La revisiun dalla lescha da scola ch'ei ussa en consultaziun preveda d'introducir engles el la 5. classa ed il medem mument reducir per rodund 200 lecziuns l'instrucziun da tudestg en scola romontscha – quei ei absurd e provochescha aunc ils Romontschs da far frunt alla scola romontscha! Igl ei ner as uras da tschintschar «klartext»!

Perquei drova la scola/formaziun e la cultura ina ferma vusch ella suprastanza dalla Regiun Surselva!

«formaziun bildung regiun surselva» (FBRS)


Gimnasi dalla claustra da Mustér
Scola vinavon, Glion
Scola mercantila Surselva
Scola professiunala da tgira dil Grischun, Glion
Scola professiunala Surselva, Glion
Casa Depuoz, Trun
Scuntrada e Formaziun Surselva, Laax
Haus der Begegnung, Ilanz

Rangaziun e presentaziun dil cudisch «Plema d'aur 2007»

Dumengia, ils 11 da november 2007 allas 16.00 uras ha liug el niev center dalla Lia Rumantscha Surselva a Laax (anterior hotel Arena Alva) ella Via Curtgin pign 35 la rangaziun e la presentaziun dil niev cudisch dalla «Plema d'aur 2007». Secapescha che nus presentein era ils victurs dalla «Miur ro-

montscha» (= megliera pagina d'internet). Ei vegn era tratg la sort digl «I-Pot» dalla concurrenza dalla Tschuetta. E lu dat ei aunc ina sorpresa!

Avon, gia naven dallas 13.00 uras, ein las portas aviartas per nos novs locals da cuors e biros! Vossa viseta fagess plascher!



Arnold Spescha: Ei dat ils muments da pass lev

Arnold Spescha, il purtader dil premi da cultura dil Grischun 2007 ed il luvrer senza paus e ruas ha gest publicau in cudisch fascinant da poesias (romontsch e tudestg). Ton ils tuns romontschs sco las translaziuns da Mevina Puorger e Franz Cavigelli ein in deletg!

Ils muments da pass lev ein da retrer per 32. frs (plus porto e pachetadi) tier la

Lia Rumantscha Surselva
Via Curtgin pign 35
7031 Laax
telefon 081 920 80 70
telefax 081 920 80 79
lrsurselva@rumantsch.ch
www.lrsurselva.ch

